

## SCRIPT OF EVENING GOJRI NEWS BULLETIN 14AUG 1700 HRS

ایونینگ گو جری نیوز بلیٹن مو رخہ 14 اگست 2025

\*\*\*\*\*

یوہ آکا شوانی جموں ہے محمد آسف لودھی تے نصرت چوہدری تیں خبر سُنو۔

\*\*\*\*\*

### HEADLINES

- ۱۔ صدر جمہوریہ درویدی مرمو اج 79 ویں یوم آزادی غا موقع ور قوم غے نال خطاب کریں گی۔
- ۲۔ ملک پلکیں اپنو 79 ووں یوم آزادی منان جارہیو ہے جت وزیر اعظم نریندر مودی لعل قلعہ غی فصیل تیں آزادی غو جشن منان بارے تقریب غی صدارت کریں گا۔
- ۳۔ کشتواڑ ضلع غا چسوٹی علاقہ مانہ بدل پھٹن غی وجہ تیں متی انسانی جان زائع ہوئی ہیں۔
- ۴۔ جموں کشمیر پولیس ناں یوم آزادی غا موقع ور بہاؤری بارے 127 انعام نال نوازیو جے غو۔
- ۵۔ جموں صوبہ غا بکھ بکھ ضلعان مانہ آزادی غو جشن منان بارے ترنگاریلی گڈی گئی ہیں۔

\*\*\*\*\*

### PREZ ADRESS

صدر جمہوریہ درویدی مرمو 79 ووں یوم آزادی غا موقع ور اج قوم نال خطاب کریں گی واضع رہ جے صدر جمہوریہ گو یوہ خطاب اج شام 7 بجے آکاشوانی تے دوردرزن غا تمام چینلان ور نشر کیا جان تیں علاقہ علاقائی زبانان مانہ رات 9 بجے 30 منٹ ور نشر وے غو۔

\*\*\*\*\*

### PM I DAY

ملک پلک اپنو 79 ووں یوم آزادی منان جارہیو ہے جت دہلی غا منا پڑمنیا لال قلعہ وروں وزیر اعظم نریندر مودی آزادی غو جشن منان بارے تقریب غی صدارت کریں گا۔ واضع رہ جے وزیر اعظم نریندر مودی لال قلعہ وروں قومی چندو چاڑ غے عوام نال خطاب کریں غا تے ملک آئیندہ 2047 توڑی وکست بھارت پروگرام ناں علان آئے پاس حکومتی نظریہ غی خاطر اک برو قدم ہے تے اس سال جشن آزادی منان غو موضوع ہے نیا بھارت جس غی مدد نال ملک ناں ترقی یافتہ بنان مانہ مدد لبے غی۔

\*\*\*\*\*

### CLOUDBURST

کشتواڑ ضلع غا پاڈر علاقہ مانہ اج بدل بھٹ جان غا نتیجہ مانہ متو نقصان ہوو ہے اس سلسلہ مانہ آکاشوانی جموں گا مہارا نمائندہ نے خبر ٹوری ہے جے بدل پھٹن گو واقعہ ضلع غا سوستی علاقہ مانہ مچیل ماتا غی یاترا ور جان آلا اک دور دراز غا گران مانہ پیش آیو جس دوران 10 افراد غی موت واقع ہو گئی ہے واضع رہ جے اس واقعہ تیں بعد سالانہ مچیل ماتا یاترا ناں معطل کردتو گیو ہے ت بچاؤ کاروائی کی جارہی ہیں۔ اس سلسلہ مرکزی وزیر داخلہ امت شاہ نے جموں کشمیر غا لیفٹیننٹ گورنر تے وزیر اعلیٰ عمر عبداللہ نال گل بات کرغے اس حادثہ غی جانکاری حاصل کی ہے اوں مرکزی وزیر ڈاکٹر جتندر سنگھ نے اس معاملہ ور کشتواڑ غا ڈپٹی کمشنر پنکج کمار تے جموں کشمیر غا وزیر اعلیٰ نال گل بات کرغے جانکاری حاصل کی ہے۔

\*\*\*\*\*

### POONCH FLOODS

سرحدی ضلع پونچھ مانہ لگاتار بارش غی وجہ نال دریاں وں مانہ پانی غی سطّ مانہ متو بعدو درج کی وجارہی وے جس تیں بعد ہُن پونچھ قصبہ مانہ شنکر نگر تے بس اڈہ مانہ سیلاب جیسی صورتحال ہو گئی ہے۔ ج سنال عام زندگی متی متاثر ہوئی ہے۔ واضع رہ جے ضلع غا متا سارا علاقان مانہ پیدل چلن مانہ پریشانیان گو سامنو کرنو پے رہیو ہے۔

\*\*\*\*\*

### HOMEOPATHIC COLLEGE

شمالی بھارت غو پہلو سرکاری ہومیو پیٹھک کالج تعاولان ہی ضلع کٹھوعہ غا جسروٹیہ علاقہ مانہ قائم کیو جے غو۔ اس گل غی جانکاری جسروٹیہ گا ممبر اسمبلی راجیو جسروٹیہ نیسماجی میڈیا غے ذریعے اک ویڈیو سنہیا ناں سانجہ کرتا وں دتی انہاں نے اس سلسلہ مانہ خوشی گو اظہار کرتا وں مرکزی وزیر

ڈاکٹر جتندر سنگھ غو شکریو ادا کیو ہے جن نے اس پروجیکٹ غی منظوری مانہ اپنو ضروری کردار ادا کیو ہے واضع رہ جے اس پروجیکٹ ور 80 کروڑ روپیاں غی رقم خرچ وے گی، جس خاطر 8 ایکڑ زمین مختص رکھی گئی ہے جس مانہ اسپتال غی عمارت غے نال نال کالج انتظامی بلاک تے ہوسٹل غی عمارت تعمیر کی جیں غی اس سلسلہ مانہ بولتا وان ممبر اسمبلی راجیو جسروٹیہ نے اس طرح کہیو۔

\*\*\*\*\*

### JKP GALLANTRY MEDALS

جموں کشمیر پولیس نانہ یوم آزادی غا موقع ور بہادری بارے 127 اعزاز نال نوازیو گیو ہے اس سلسلہ مانہ آکاشوانہ جموں غا مہارا نمائندہ نے دسیو ہے جے ملک غی تمام دوجی فوجاں گا مقابلان مانہ جموں کشمیر غی پولیس ناں متا اعزاز دتا گیا ہیں۔ نمائندہ نے یاه وی جانکاری دتی ہے جے داخلہ بارے مرکزی وزارت نے یوہ اعزاز پولیس، اگ بجان بارے محکمہ، یوم گارڈ تے سیول ڈفنس ناں بہتر کارکردگی تے بہادرانہ فرائض انجام دین غا معاملان مانہ دتا گیا ہیں۔ واضع رہ جے اس تیں علاوہ جموں کشمیر پولیس نانہ 14 پولیس تمغاں غے نال نوازیو گیو ہے۔

\*\*\*\*\*

### TIRANGA RALLEY

بر گھر ترنگا مہم غے تحت جموں غا صوبائی کمشنر رامیش کمار نے جاتے روز گلشن گراونڈ جموں تیں اک ترنگا ریلی ناں چنڈی دس غے روانہ کیو جہڑی جے مہاراجہ ہری سنگھ پارک مانہ اختتام پزیر ہوگی۔ اس ریلی گو مقصد آن آلی یوم آزادی غی تقریبات غے متعلق تیاریاں ناں مکمل کرنو تھو اس موقع ور جموں غا ڈپٹی کمشنر آلی جی جموں سمیت متی تعداد مانہ طالب علمان نے شمولیت کی اس سلسلہ مانہ مزید بولتاں وان جموں گا صوبائی کمشنر نے اس طرح کہیو۔ اوان این سی سی کیڈٹ غی اک طلبہ نے اس سلسلہ مانہ اس طرح کہیو۔ اوان کٹھوعہ ضلع مانہ وی ڈپٹی کمشنر راجیش شرما نے کھیڈسٹیڈیم کٹھوعہ تیں اک ترنگا ریلی ناں چنڈی دس غے روانہ کیو جس مانہ متی تعداد مانہ طالب علمان تے عام لوکاں نے حُب الوطنی غا جذبہ نال شمولیت کی۔ اس سلسلہ مانہ ڈی سی کٹھوعہ نے اس طرح کہیو۔ اسے طرح اوان سرحدی ضلع پونچھ مانہ متی تعداد مانہ لوکاں نے طالب علمان نے حصولیو اس موقع ور بولتا وان ایڈیشنل پولیس سپر ٹنڈینٹ موہن شرما نے اس طرح دسیو۔ اوان رام بن غی ضلع انتظامیہ نیوی حُب الوطنی غو مظاہرہ کرتا وان ترنگا بائیٹ ریلی گو انعقاد کیو جت اے آر ٹی اور رام بن کلڈیپ سنگھ نے اس طرح کہیو۔

\*\*\*\*\*

### JKEDI START UP IDEA

جموں کشمیر کاروبار نانہ بدھان برائے ادارو ایک نوو کاروباری تجویز مقابلو کرن جارہیو ہے تانجے نوجوانان مانہ جدت تے کاروباری صلاحیت نانہ فروغ دتو جاسکے یو ہ پروگرام 20 اگست 2025 نانہ کشتواڑ مانہ تے 21 اگست 2025 نانہ چھاترو مانہ سٹارٹ اپ آڈیا چیلنج غا موضوع ور وے غو۔ اس کیمپ غو مقصد نوا کاروبار شروع کرن غا کواہشمند نوجوانان نانہ ایک پلیٹ فارم فراہم کرنو ہے۔ جت وہ اپنا منفرد کاروباری خیالات پیش کرسکیں غا تے ماہرین تیں رہنمائی حاصل کرسکیں غا کامیاب شرکاء واسطے پُر کشش نقد انعامات رکھیا گیا ہیں جن مانہ پہلو انعام 1 لکھ روپیو، دوجو انعام 70 ہزار روپیہ تے تیجو انعام 30 ہزار روپیہ ہیں۔ شرکاء واسطے اندراج غی آخری تاریخ 20 اگست 2025 ہے۔

\*\*\*\*\*

NEWS READ BY MOHD ASIF LODHI  
NEWS READ BY NUSRAT  
NEWS EDITOR KUNAL SHRIVATSA  
SKILLED RAJAT  
TECH ASST GOKUL  
DEO NUSRAT